

遼寧舊方志

奉天通志

第二函

遼寧舊方志

奉天通志

第二函

目錄

卷二十六	大事二十六	明	五一九
	明十六	思宗	五一九
		附清太宗	五一九
卷二十七	大事二十七	清	五四二
	清一	太宗	五四二
卷二十八	大事二十八	清	五六七
	清二	世祖	五六七
卷二十九	大事二十九	清	五八二
	清三	聖祖上	五八二
卷三十	大事三十	清	六〇七
	清四	聖祖下	六〇七
卷三十一	大事三十一	清	六二五
	清五	世宗	六二五
卷三十二	大事三十二	清	六四四
	清六	高宗一	六四四
卷三十三	大事三十三	清	六七二
	清七	高宗二	六七二
卷三十四	大事三十四	清	七〇〇
	清八	高宗三	七〇〇

卷三十五	大事三十五	清	七二四
	清九	高宗四	七二四
卷三十六	大事三十六	清	七四二
	清十	仁宗上	七四二
卷三十七	大事三十七	清	七六一
	清十一	仁宗下	七六一
卷三十八	大事三十八	清	七七九
	清十二	宣宗上	七七九
卷三十九	大事三十九	清	八〇一
	清十三	宣宗下	八〇一
卷四十	大事四十	清	八二六
	清十四	文宗	八二六
卷四十一	大事四十一	清	八五五
	清十五	穆宗一	八五五
卷四十二	大事四十二	清	八七九
	清十六	穆宗二	八七九
卷四十三	大事四十三	清	九〇三
	清十七	穆宗三	九〇三
卷四十四	大事四十四	清	九二六
	清十八	德宗一	九二六

卷四十五	大事四十五	清	九六二
	清十九	德宗二	九六二
卷四十六	大事四十六	清	九八四
	清二十	德宗三	九八四
卷四十七	大事四十七	清	一〇〇六
	清二十一	德宗四	一〇〇六
卷四十八	大事四十八	清	一〇二六
	清二十二	德宗五	一〇二六
卷四十九	大事四十九	清	一〇五五
	清二十三	德宗六	一〇五五
卷五十	大事五十	清	一〇八九
	清二十四	宣統	一〇八九

奉天通志卷二十六

大事二十六 明

明十六 思宗 附清太宗

思宗崇禎元年清二年天春正月以畢自肅爲右僉都御史巡撫遼東

國權正月己卯移督師於關門畢自肅爲右僉都御史巡撫遼東

二月總兵官滿桂遣兵襲滿洲兵於遼河

國權二月丁未建人駐兵河上邀截降夷難民總兵官滿桂遣守備張守印以三百人潛渡河殺者甚衆斬三十二級

又二月壬子建人二萬餘騎屯錦州塞外以都令爲嚮導攻克

奉天通志 卷二十六 大事二十六 明十六 思宗 一

拱兔男青把都板城盡有地產青把都遁復西誘束不的與合不聽我兵亦出哨截之回巢

山中聞見錄五二月甲辰建人駐河上邀截降丁總兵滿桂令守備張守印將三百騎潛渡河擊之引去

朝鮮仁祖實錄六年四月乙巳成倭耆馳啓曰令張大秋探問都督招大秋密言曰二月間虜賊抄精兵三千往犯西達寧遠主將預備火器邀擊於歸路大破之生還者三十餘人

朝鮮與滿洲互市

清實錄二月甲午朝鮮國王李倬遣總兵官李蘭副將朴蘭英貢春季禮物並齋書至書曰貴國以人衆食乏爲憂欲市糴一年今令有司勉力辦米三千石一千發賣市上二千用以相遺

開國方略十一二月甲午朝鮮國王李倬遣官齋書貢春季方物並米二千石更以一千石在江中平價市糴

朝鮮仁祖實錄五年十二月回答使朴蘭英馳啓曰臣到瀋陽大海能詩等以汗意來告曰與朝鮮和好者不過以誠信相待通市有無而今者兩西人物一空開市難便之意在於國書使臣之言亦似有理然則姑宜互市往來國中交易有無又曰先汗事天朝甚恭十餘年前南朝邊臣見我如昆蟲極其侮慢先汗親到撫順呈文則匿其文而不報先汗發憤誓天起兵處處勝捷實天意也與朝鮮自前無怨己未與南兵分路犯我便作仇讐先汗寬弘不殺將官至於送人往來朝鮮接置毛將雖稱和送差皆非實事先汗知而不知且新王反正之後與毛將同

奉天通志 卷二十六 大事二十六 明十六 思宗 二

心閉關絕使不得已動衆與新王約和誓天而其後送王弟以示和好之意歎服新王賢聖卽令回兵留置定州等搶獲人民捲還義州留兵敬慕朝鮮至矣而朝鮮則視我甚卑不無惱恨然前後憤怒今盡掃除既已誓天有同一家患難相救是人常理聞毛兵無價責糧而我則當此饑饉給價買賣若不相救不無憾矣兩西一邊則安保六道亦且全完不得不相救云臣答曰兩西蕩然六道失稔時方饑饉人多餓死情非不足力所不及云云糧米換易則彼中十分渴望今者胡差之行專爲此事宜加厚待以悅其心

又六年正月丁卯接待所啓曰朴蘭英入見兩差言朝廷欲出三千石米而二千石當用於發賣一千石當送於汗處爾國宜

償以人口兩差答曰必知開市日市上米石之數後我國方可計口以送不然則必有中路餓死之弊蘭英答曰民間或米或貨隨其所有互相買賣朝廷何能預知其數兩差必欲詳知而去何以處之請令廟堂量處答曰依啓

又正月己巳接待所啓曰兩胡欲自二月初一日開市以此下諭於兩西監司通曉民間勿用他貨必備米石別定差使員領赴邊市朝廷亦多發米賑給龍義之民使邊上有粟則遠地之民亦得持貨買米請令廟堂熟議處之上從之

又二月朔癸巳備局啓曰灣上開市一事臣等慮其或有遲緩請遣宣傳官督發平壤等五邑米一千七百三十石安岳等四邑米三千三百石已令裝載云以海路遠近計之則似當次第到

奉天通志

卷二十六

大事二十六
明十六
思宗

三

泊而前見金起宗所報平壤米二百石既已陸運水上米三百石亦已曳下今見黃海監司張紳狀啓曉諭各官別定差使員領送以米贖還者云發舡及到泊日時贖還人與商賈等入去形止使之一一啓聞上從之

又二月甲寅申景瑗以高牙夫齋來金汗書馳啓其書曰金國汗致書於朝鮮國王弟今兩國既成一國中江大開關市竊思東邊之民原在會寧做市矣今見此處開市皆欲往會寧貿易料無王命會寧官豈敢擅專故具悉預報如允當速令會寧官遵行

又二月庚申鄭忠信馳啓曰龍骨大領開市胡人千餘所豆里領守護軍三百餘出來於鎮江回答官李灤朴蘭英等還到義

州馳啓曰是夕以汗意回答曰使臣往來則秋冬各一度開市交易則春夏秋定以三季月或有不得已相通之事則不在此限

王之臣罷以袁崇煥爲兵部尙書督師遼東

國權二月壬子按本山傳中聞東華錄亦作二月而通鑑明紀明罷督師王之臣命袁崇煥爲兵部尙書兼右副都御史督師薊遼兼督登萊天津等處軍務移駐關門

啓禎剝復錄五三月督師王之臣回籍以刑科薛國觀參之也明史袁崇煥傳莊烈帝卽位忠賢伏誅創諸冒功者廷臣爭請召崇煥其年十一月擢右都御史視兵部添注左侍郎事崇禎元年四月命以兵部尙書兼右副都御史督師薊遼兼督登萊

奉天通志

卷二十六

大事二十六
明十六
思宗

四

天津軍務所司敦促上道

夏四月滿洲築牛莊城

清實錄四月戊戌上以牛莊築城夫役勞苦給牛四十犗之

又三年二月丙午車駕次牛莊環視城郭命築新城高二丈二尺有五加雉堞除四隅外每面建腰台四座

開國方畧十四四月戊戌先是明兵屢由遼河來犯故修築牛莊城至是太宗念築城夫役勞苦以牛四十犗之

滿洲遣使如皮島

國權三月壬申援遼總兵毛文龍奏建人遺哥孤山馬秀才等五人至皮島求款

清實錄四月丙辰明總兵毛文龍據南海皮島招集遼民令富

民皆冒毛姓爲其子弟裔孫捏稱陣獲誑報冒功明之君臣皆信之因陞文龍爲大都督總兵文龍欲與我國通好屢遣使致書因遣科廊等同從者四人齎書答之往來數次文龍乃執科廊等解送燕京尋寧遠巡撫袁崇煥以文龍與我國私通殺之朝鮮仁祖實錄六年四月甲辰鄭忠信馳啟曰胡差五人及護送唐差一人將輕貨四五駄出自蛇島直向義州之路問於唐人則祕不明言毛將之與虜相通爲後日地者果似分明黃戶部方在島中不可不密通情形於戶部使之嘿察應變宜以此意下諭於接伴使備局回啓曰戶部爲人未知何如而毛將情迹亦難調知不可輕易爲之上從之

五月滿洲兵畧錦州陷駱大興等堡

奉天通志

卷二十六

大事二十六 明十六 思宗 五

國權五月丁亥建人犯河西高橋朱家窪塔山又圍大興堡誘我降夷桑昂爾介順不聽詈之見執總兵朱梅砲卻之越數日上謾書求款邊臣不應去之

又六月辛亥建人侵錦州陷駱大興等堡

山中聞見錄五五月丁亥建人攻河西高橋總兵朱梅禦之四王子貽書通款邊臣不應

清實錄五月辛未聞明人棄錦州遁往寧遠命貝勒阿巴泰岳託碩託及八固山額真等率兵三千人往略明地又與明國君臣書曰爾國如大廈將傾乃文武各官執迷不悟專事修葺城郭亦何益耶比聞察哈爾汗今歲廢棄耕種欲就爾食兵已動矣爾以何兵敵我又以何兵敵察哈爾也我將率各路外藩蒙

古兵築城偏居進取秋成禾稼爾等將出戰耶抑伏匿城中耶我兵耕種樵採往來自便爾之軍民雖欲出而耕種樵採豈可得乎吾本欲罷兵修好共享太平故屢次遣書爾其熟思之若以爲然可遣使來報毋貽後悔也癸未貝勒岳託遣巴爾泰代松阿奏捷言我軍於十六日往略錦州松山獲人口及馬牛贏共八百墮錦州杏山高橋三城並毀十三站以東墩台二十一處殺守台者三十人遂引軍而還

六月調總兵官滿桂鎮守大同以麻登雲代之

國權六月乙未麻登雲爲平虜總兵官鎮守山海關等處四路祖大壽爲征虜前將軍總兵官鎮守遼東尤世祿改鎮寧夏明史滿桂傳會蒙古炒花諸部離散桂與之臣多收置之麾下

奉天通志

卷二十六

大事二十六 明十六 思宗 六

莊烈帝已嗣位詔之臣毋陷袁應泰王化貞故轍並責桂阿之臣意桂遂請病乞休不允崇禎元年七月言官交劾之臣因及桂之臣罷桂亦召還府適大同總兵渠家楨失事命桂代之秋七月召見遼東督師袁崇煥賜尙方劍

國權七月癸酉召廷臣及督師袁崇煥於平臺上慰勞甚至崇煥銳而輕每易言天下事上問建何日可平崇煥漫應曰五年爲期慷慨請兵械轉運命卽出關紓邊民之患凡吏部用人兵部指揮戶部措餉言路持論俱與邊臣相呼應始可成功上然之賜崇煥食出至午門或問以五年果效否崇煥曰上期望追故以五年慰聖心識者卜其無成癸未賜尙方劍

山中聞見錄五七月癸酉召袁崇煥對平臺帝曰東方未平十

年於茲遼民塗炭卿萬里赴召方略何如崇煥奏曰請期五年東方可平全遼可復帝曰五年復遼朕不悵封侯之賞卿其努力解天下倒懸子孫亦受其福崇煥頓首謝復奏曰臣以五年爲期必糧餉器械如期而發內無掣肘而後功可成也請收滿桂賜劍以一事權從之癸未賜崇煥尙方劍

建州私志 召對之日詢以虜氛何日可滅崇煥自許五年奏績然實無成算既而自悔失言及再入對遂以吏部用人兵部指揮戶部措餉言路持論俱與邊臣照應方得成功上卽命各部臺省如崇煥言

明史袁崇煥傳帝召見平臺慰勞甚至咨以方畧對曰方畧已具疏中臣受陛下特眷願假以便宜計五年全遼可復帝曰復奉天通志 卷二十六 大事二十六 明十六 思宗 七

遼朕不吝封侯賞卿努力解天下倒懸卿子孫亦受其福崇煥頓首謝帝退少憩給事中許譽卿叩以五年之畧崇煥言聖心焦勞卿以是相慰耳譽卿曰上英明安可漫對異日按期責效奈何崇煥慨然自失頃之帝出卽奏言東事本不易竣陛下既委臣臣安敢辭難但五年內戶部轉軍餉工部給器械吏部用人兵部調兵選將須中外事事相應方克有濟帝爲飭四部臣如其言

錦州城成

國權七月己卯錦州城成

寧遠軍亂執巡撫畢自肅

國權七月甲申遼東寧遠軍乏糧四月因大譟執巡撫都御史

畢自肅嘗奏請戶部未發悍卒露刃排幕府縛自肅及總兵官朱梅推官蘇涵淳州同知張世榮置譙樓上捶擊交下自肅傷殊甚面血兵備道郭廣新至身翼自肅爲解始脅索全餉括撫夷金及朋椿得二萬金不厭票借商民足五萬始解自肅草奏引罪走中左所八月丙申自經袁崇煥至宥首惡楊正朝張思順誘捕其黨推按斬十六人治罪有差

山中聞見錄 五 六月甲申寧遠兵以四月無餉而譁執巡撫畢自肅總兵朱梅推官蘇涵淳置譙樓叢槌擊之括賞二萬金不厭更貸商民五萬金給之乃散自肅草奏引罪走中左所自經袁崇煥至捕首惡十六人斬之

明史袁崇煥傳是月川湖兵戍寧遠者以缺餉四月大譟餘十奉天通志 卷二十六 大事二十六 明十六 思宗 八

三營起應之縛繫巡撫畢自肅總兵官朱梅通判張世榮推官蘇涵淳於譙樓上自肅傷重兵備副使郭廣初至躬翼自肅括撫賞及朋椿二萬金以散不厭貸商民足五萬乃解自肅疏引罪走中左所自經死崇煥以八月初抵關聞變馳與廣密謀宥首惡張正朝張思順令捕十五人戮之市斬知謀中軍吳國琦責參將彭簪古黜都司左良玉等四人發正朝思順前鋒立功世榮涵淳以貪虐致變亦斥之獨都司程大樂一營不從變特爲獎勵一方乃靖

調麻登雲鎮守永平以趙率教爲鎮守遼東總兵官

明史趙率教傳踰月掛平遼將軍印再移至關門

又何可綱傳崇煥言薊遼總兵趙率教久習遼事宜與山海麻

登雲相易掛平遼將軍印從之

八月滿洲兵侵黃泥窪總兵祖大壽禦卻之

國權八月庚戌建人侵黃泥窪袁崇煥令總兵官祖大壽擊卻之斬百八十級獲馬騾百二十四匹

九月錦州軍譚

國權十月己丑召廷臣於文華殿以錦州軍譚袁崇煥請餉疏示閣臣閣臣求允發上責戶部尙書畢自嚴又曰崇煥前云汰兵裁額今何仍之乎兵部尙書王在晉曰減汰當於來歲閣臣請發三十萬金禮部右侍郎周延儒曰關門昔防胡今且防兵前寧遠譚卽餉之又錦州焉各邊尤而效之未知其極上問延儒若何對曰臣非阻發帑今雖予之當益求經久之策上稱善

奉天通志 卷二十六 大事二十六 明十六 思宗 九

山中聞見錄 五 九月錦州兵復以無饌而譚崇煥因請饌

冬十月罷巡撫遼東畢自肅

國權十月丙辰巡撫遼東戶部左侍郎王家楨巡撫遼東右僉都御史畢自肅總兵官朱梅並落職

又十一月庚辰戶部尙書畢自嚴下獄王家楨創籍以遼兵再譚

明史袁崇煥傳關外大將四五人事多掣肘後定設二人以梅鎮寧遠大壽仍駐錦州至是梅將解任崇煥請合寧錦爲一鎮大壽仍駐錦州加中軍副將何可剛都督僉事代梅駐寧遠而移薊鎮率教於關門關內外止設二大將因極稱三人之才謂臣自期五年專藉此三人當與臣相終始屆期不效臣手戮三

人而身歸死於司敗帝可之崇煥遂留鎮寧遠自肅既死崇煥請停巡撫及登萊巡撫孫國楨免崇煥又請罷不設帝亦報可二年諸三洲年天春三月滿洲大饑

國權三月丁巳朔朶顏三衛及建人大饑三衛夷半入於建束不的求督師袁崇煥開糧於前屯之南台堡市我參貂邊臣俱不可獨崇煥許之蓋束不的爲建窖米謀犯薊西雖有謀報崇煥不爲信

遼東督師袁崇煥奏設東江餉司於寧遠

國權三月己卯袁崇煥奏設東江餉司於寧遠令東江自覺華島轉餉禁登萊商舶入海毛文龍累奏其不便崇煥不聽又請自往旅順議之見山鎮中同聞

奉天通志 卷二十六 大事二十六 明十六 思宗 十

夏六月袁崇煥殺毛文龍於雙島

國權六月戊午督師袁崇煥殺平遼將軍總兵官左都督毛文龍於雙島崇煥自出都門至寧遠專主款初崇煥於寧遠捷後卽令番僧往驗建小汗意議和會罷歸未就再出無以塞五年平胡之命聲言折衝慮毛文龍泄其計遂身入島誘文龍至犒吏卒給餉金十萬是日閱射於陸崇煥列圍止文龍兵於外以部曲百人從崇煥慰勞部曲且拜泣俱感泣遂問文龍曰東江餉司自寧遠輸至亦甚便將軍何專折色召貝登萊也且移鎮江定營制分旅順東西約束覈餉銀業已申奏將軍執意不回非冒餉欺君而何命執下文龍欲抗辯崇煥曰我今不復遼願試尙方劍以贖命又諭其部曲若文龍不宜殺爾輩卽殺我部

曲錯愕命水營都司趙可懷以尙方劍斬之分東江兵二萬八千人爲四協副總兵毛承祿義文子龍旗鼓中軍徐敷奏遊擊劉興祚副總兵陳繼盛各領之東江諸務屬繼盛暫領明日祭文龍而泣遂收符印自旅順還於寧遠奏數文龍十二罪云臣前入朝商於大學士錢龍錫也奉按時國朝權議元憂年七月毛發文西龍崇煥叙召大對舉平

山中聞見錄五元年七月癸酉是時東江島帥進止不聽於督撫廷臣藉藉憂之朝退大學士錢龍錫以問崇煥崇煥曰文龍可用則用之否則處之無難也

又二年五月袁崇煥勒兵巡沿海屯堡渡海至雙島入文龍軍中燕累日臨發文龍謁謝崇煥置酒大燕文龍將吏陰令參將

奉天通志 卷二十六 大事二十六 明十六 思宗 十一

謝尙政伏兵席間執之數文龍十二罪斬之命祖文制臣大監將之在爾外專必

爾制所一方軍馬錢糧不問受難文臣報功核罪第一人人臣無之將獎則大必於誅爾君數十章萬有牧以馬給登兵州每取兵南一名如月止掌放語三不道盜罪軍三楊每歲四府糧糧下開給馬訓市盈於千皮走島卒私通夫外罪五部將六自千事人遠還官罰已掠奸商船將躬以爲不盜從賊則銀七死強島取上民白問骨婦如女邱部罪九下釐金尤入罪八拜職難忠民賢遠爲父父一罪開十鎗鐵八年之不能復師寸無土觀乃望掩殺敵爲罪功第十下軍中曰奉詔斬冒饗飾功不受節制者止文龍一人偏裨以下各如故諸軍懾服不敢動分其兵得二萬八千人以文龍子承祚並副參二將徐陳敷領之令遊擊劉興治守皮島與文龍故部曲相參用送其妻某氏歸浙乃還因上章自劾願殺大帥舉朝盡驚上召問閣臣韓爌等請降詔慰崇煥一如其所更置因宣諭海島將

士

建州私志下崇煥一至寧遠遂密遣番僧往來通好爲講款之計又慮毛文龍洩其計身入島中誘文龍斬之崇煥初戕毛帥舉朝皆喜上亦褒獎再三而東兵出入自此益無攔阻矣

明史袁崇煥傳嘗疏請遣部臣理餉文龍惡文臣監制抗疏駁之崇煥不悅及文龍來謁接以賓禮文龍又不讓崇煥謀益決至是遂以閹兵爲名泛海抵雙島文龍來會崇煥與相燕飲每至夜分文龍不覺也崇煥議更營制設監司文龍怫然崇煥以歸鄉動之文龍曰向有此意但惟我知東事東事畢朝鮮衰弱可襲而有也崇煥益不悅以六月五日邀文龍觀將士射先設幄山上令參將謝尙政等伏甲士幄外文龍至其部卒不得入

奉天通志 卷二十六 大事二十六 明十六 思宗 十二

崇煥曰予詰朝行公當海外重寄受予一拜交拜畢登山崇煥問從官姓名多毛姓文龍曰此皆予孫崇煥笑因曰爾等積勞海外月米止一斛言之痛心亦受予一拜爲國家盡力衆皆頓首謝崇煥因詰文龍違令數事文龍抗辯崇煥厲色叱之命去冠帶繫縛文龍猶倔強崇煥曰爾有十二斬罪知之乎數畢文龍喪魂魄不能言但叩頭乞免崇煥召諭其部將曰文龍罪狀當斬否皆惶怖唯中有稱文龍數年勞苦者崇煥叱之曰文龍一布衣爾官極品滿門封廕足酬勞頓悖逆如是乃頓首請旨臣今誅文龍以肅軍諸將中有若文龍者悉誅臣不能成功皇上亦以誅文龍者誅臣遂取尙方劍斬之帳前乃出諭其將士曰誅止文龍餘無罪當是時文龍麾下健校悍卒數萬憚崇

煥威無一敢動者於是命棺斂文龍明日具牲醴拜奠曰昨斬爾朝廷大法今祭爾僚友私情爲下淚乃分其卒二萬八千爲四協以文龍子承祚副將陳繼盛參將徐敷奏遊擊劉興祚主之收文龍敕印尙方劍令繼盛代掌犒軍士檄撫諸島盡除文龍虐政還鎮以其狀上聞末言文龍大將非臣得擅誅謹席藁待罪時崇禎二年五月也帝驟聞意殊駭念既死且方倚崇煥乃優旨褒答俄傳諭暴文龍罪以安崇煥心

嘯亭雜錄 + 袁崇煥之殺毛文龍其事甚冤文龍守皮島多年本朝佟張二將盡爲彼害使留之以拒大兵不無少補崇煥冒昧誅之自失其助遂使孔定南諸將陰懷二心或曰毛文龍嘗求陳眉公作文陳邀以重價毛斬不與陳深恨之乃備告董文奉天通志 卷二十六 大事二十六 明十六 思宗 十三

敏言毛不法專擅諸狀董信之崇煥爲董門生任遼撫時嘗往謁董董以陳語告袁袁故決意爲之

朝鮮仁祖實錄三年五月己未知事李廷龜曰都督不修兵器不鍊軍士少無討虜之意一不交戰而謂之十八大捷僅獲六胡而謂之六萬級

又六月庚子詔使還到蛇浦毛都督盛張軍容皆以錦繡爲衣服旌旗眩耀人目使詔使巡見而其實疲軍不練者也其欺罔天朝類如此

又五年七月丁卯金起宗馳啓曰毛將持兵在島中不敢窺賊左足而只以日獻僞捷厚罔天朝節制龍骨劍山等處至以天朝爵命除拜我國之人

又七年六月癸未金時讓馳啓曰六月初五日毛都督文龍往會袁經畧崇煥於寧遠衛還到雙島經畧設餞宴待之忽出聖旨及令箭於袖中示之命左右推出都督斬之許監軍者以經畧差官來到楸島安頓軍兵島中將卒聞其死皆哭云

又七月乙酉袁經畧遣管下副總徐敷奏慰安島衆點閱軍兵又七月壬子陳繼盛劉海等因督師部分權察島中繼盛性本良善且其女爲文龍之妾故畏縮不敢自擅劉海乘時恣橫島中威權皆歸於海海素多才能挾以權數文龍之誅島中危懼幾於生變賴海鎮靜

秋八月滿洲兵畧錦州毀右屯衛城國權八月乙丑建人三千騎屬夷束不的三千騎自大鎮堡分奉天通志 卷二十六 大事二十六 明十六 思宗 十四

二道一自杏山高橋鋪一自松山直薄錦州辛巳出大小凌河毀右屯衛城而去

山中聞見錄 九月建人合束不的入大鎮堡分二道薄錦州入雙臺堡出大小凌河毀右屯衛城乃去

東華錄 九月癸未先是命貝勒濟爾哈朗德格類岳託阿濟格率兵一萬征明錦州寧遠燒其集聚秣馬蹂躪凡一月俘獲以三千計至是還

冬十一月遼東總兵官趙率教與滿洲兵戰於遵化敗績死之

國權十月戊寅建州阿卜大以數萬騎入大安口龍井口馬蘭峪山海關總兵趙率教以兵援

又十一月乙酉山海關總兵趙率教入援遇敵戰於遵化中矢

死之

山中聞見錄^五 十一月辛卯^{十初} 山海總兵趙率教將騎兵五千入援分二軍二統一副將營於龍山之陰距遵化城南五里建州連十三營進戰衆寡不敵率教戰死^{只爲勒阿濟殺格}全軍覆沒中軍賊調元被擒仍放還

清實錄十一月壬午朔明山海關總兵趙率教以率劉姓王姓副將暨參遊八員以精兵四千來援遵化哨兵以告貝勒阿濟格等率左翼四旗及蒙古兵奮擊率教等敗走阿濟格追之上率數騎往遵化環視攻城之地遇明敗兵至隨掩擊之趙率教爲阿濟格所斬副將參遊等官俱就戮大貝勒莽古爾泰生擒明中軍賊調元來見上遂令薙髮仍給旨諭令各還原籍

奉天通志

卷二十六

大事二十六 明十六 思宗

十五

明史趙率教傳大清兵由大安口南下率教馳援三晝夜抵三屯營總兵朱國彥不令入遂策馬而西十一月四日戰於遵化中流矢陣亡一軍盡歿

遼東督師袁崇煥率兵入衛京師

國權十一月壬午督師袁崇煥自寧遠趨山海關聞警急趨棒子嶺調援檄巡撫保定右僉都御史解經馳赴

又十一月庚寅督師袁崇煥入薊州以故總兵朱梅副總兵徐敷奏等守山海關參將楊春守永平游擊滿庫守遷安都司劉振華守建昌參將鄒宗武守豐潤游擊蔡裕守玉田昌平總兵尤世威仍還鎮護諸陵宣府總兵侯世祿守三河扼其西下保定總兵曹鳴雪遼東總兵祖大壽駐薊州遇敵保定總督劉策

兵亦至令還守密雲

又十一月壬辰遼兵值建人於馬伸橋敗之

又十一月丙申袁崇煥至河西務意趨京師副總兵周文郁曰大兵宜趨敵不宜入都且敵在通州我屯張灣去通十五里就食於河西務如敵易則戰堅則守崇煥不聽時命崇煥不得過薊門一步蓋先有言崇煥勾建人而崇煥不知也

又十一月丁酉袁崇煥抵左安門時戒嚴報不卽入漏下始馳奏建人薄城下都人競謂崇煥召敵上不無心動

又十一月戊申袁崇煥遣嚮導任守忠以五百人持砲潛攻建人於南海子建人稍遁

山中聞見錄^五 十一月詔各直省巡撫勤王京營兵皆未歷戰

奉天通志

卷二十六

大事二十六 明十六 思宗

十六

陣迺詔督師袁崇煥以兵入衛崇煥率總兵祖大壽副將何可剛入關遇劉策於薊麾之曰急回守鎮斯客騎我力能破之無所事衆策馳還守密雲護陵寢癸巳^{二十}建人破石門驛崇煥移營城外建人以二百騎嘗我師崇煥兵遽引卻敵騎薄薊崇煥偵束不的在焉遣以銀碗虎魄數珠議和以退師因上書曰建人偏師深入自取死亡不足厪上憂帝嚴責諸將力守薊毋令越薊西一步建人勢浩大崇煥觀望不敢戰祖大壽兵屯薊大同總兵滿桂宣大總兵侯國柱屯近圻桂素與督師不相能分壁不相統一諸道援兵無紀律民間苦擄掠盡以援兵爲袁兵切齒罵崇煥勾敵蜚語流禁中帝以拒敵急不問也四王子久屯薊薊兵相持不戰遂越薊而西崇煥聞汗已西先從間道走

都門丁酉^六抵左安門人情駭異咸謂崇煥前導敵朝臣多異議崇煥不知也以兵士疲勞請入城少休帝疑焉不許

清實錄十一月辛丑上統大軍營於燕京城北土城關之東哨兵瞭見寧遠巡撫袁崇煥錦州總兵祖大壽等兵二萬屯沙窩門外莽古爾泰分兵爲三隊令蘇額眞等率護軍前進令阿巴泰阿濟格多爾袞豪格繼進時敵於右偏伏兵甚衆因約我軍入隘口宜趨右偏比入隘口豪格獨趨右偏敗其伏兵餘三貝勒不趨右偏由正路入擊敗敵兵多鐸以年幼與莽古爾泰留後值明潰卒來犯兩貝勒追殺之又有敵兵一隊距城稍遠屯樹林內遂令左翼蒙古各旗往擊額駙恩格德爾貝勒巴克不俟整隊徐行驟馬而進與敵兵接戰遂敗歸乙巳駐南海子丁奉天通志

卷二十六

大事二十六 明十六 思宗 十七

未進兵距關廂二里戊申上聞袁崇煥祖大壽復聚敗兵營於城東南隅豎立柵木因令我軍列陣逼之而營上與諸貝勒率輕騎往視進攻之處云路隘且險若傷我軍士雖勝不足多也遂還營

明史袁崇煥傳清兵數十萬分道入龍井關大安口崇煥聞卽督大壽可剛等入衛以十一月十日抵薊州所歷撫寧永平遷安豐潤玉田諸城皆留兵守帝聞其至甚喜溫旨褒勉發帑金犒將士令盡統諸道援軍俄聞率教戰歿遵化三屯營皆破巡撫王元雅總兵朱國彥自盡大清兵越薊州而西崇煥懼急引兵入護京師營廣渠門外帝立召見深加慰勞咨以戰守策賜御饌及貂裘崇煥以士馬疲敝請入休城中不許出與大軍鏖

戰互有殺傷

十二月下遼東督師袁崇煥於獄總兵官祖大壽擁兵奔回錦州國權十二月辛亥朔召袁崇煥祖大壽滿桂黑雲龍於平臺崇煥方遣副總兵張弘謨等蹕敵聞召議餉入見上問以殺毛文龍今逗留何也並不能對命下錦衣獄賜桂等饌隨遣太監車天祥慰諭遼東將士命滿桂總理援兵節制諸將馬世龍祖大壽分理遼兵桂前被流矢視之皆袁軍矢也崇煥固自任滅敵一旦胡騎充斥惟死戰庶足贖而值敵輒避去或謂其貽糧芻食品物議籍籍

又十二月甲寅遼東兵潰遼兵素感袁崇煥滿桂與祖大壽又互相疑大壽輒率兵歸寧遠遠近大駭初召逮崇煥時大學士奉天通志

卷二十六

大事二十六 明十六 思宗 十八

成基命晚大壽心悸狀因頓首請慎重者再敵在城下非他時比

山中聞見錄^五十一月崇煥以千里赴難自謂有功都人謂崇煥縱敵突入朝士謂崇煥引敵脅和滿洲設間謂崇煥密有成約而陰令所獲太監縱之歸其人奔告於上上信之不疑十二月辛亥朔崇煥請對上御平臺召崇煥入詰以殺毛文龍以其不能牽制敵今反縱敵深入何也崇煥不能對執之下錦衣衛獄命太監車天祥宣慰遼東將士命滿桂總理援兵節制諸將馬世龍祖大壽分理遼東兵上賜大壽上樽穀核大壽懼誅拜賜出都門壬子^二將所部東奔赴關上建州私志^下當虜兵之驟入也召崇煥入衛崇煥前以滅虜自

任乃與虜相值輒避去及抵京但請率兵入城休養上不許已深疑之都人又譁傳其勾結虜兵入犯因切齒處以極刑先是虜出獵遇邊人掠之中有二端是奉上命偵崇煥者虜謀知之乃設一計佯爲袁移書約犯邊答云知道了多謝袁爺又伴驚爲瑞聞命斬瑞故遣一酋縱歸瑞上其事遂墮其計袁竟及於難存見錄幸袁既誅有上疏暴冤者自稱袁門生言袁某日提兵至京營於某處明日虜至閉營不戰但發火器矢石得首級若干又明日移營亦如之如此凡三日所以不戰以馬兵先行步兵行遲未到不可列陣防其衝突故不敢戰又明日旨逮而步兵至矣若云勾虜則三日所得首級何來疏入擬其人譴成復上疏曰崇煥若和虜叛國臣爲逆黨罪當同誅譴成非臣律也疏

奉天通志

卷二十六

大事二十六 明十六 思宗

十九

奏不報筆見
記息
瘡

清實錄先是獲明太監二人令副將高鴻中參將鮑承先甯完我巴克什達海監守之至是還兵鴻中承先遵上所授密計坐近二太監故作耳語云今日撤兵乃上計也頃見上單騎向敵敵有二人來見上語良久乃去意袁巡撫有密約此事可立就時楊太監者伴臥竊聽悉記其言庚戌縱楊太監歸後聞楊太監將高鴻中鮑承先之言詳奏明主明主遂執袁崇煥入城磔之錦州總兵祖大壽大驚率所部奔錦州毀山海關而出朝鮮仁祖實錄八年正月戊申金人高牙夫來言金汗領兵入關到處大捷寧遠大軍迎戰而敗天朝拿袁軍門以去一眇日大將收散卒退住山海關云

又四月癸丑進賀兼謝恩使李忭在北京馳啓曰袁軍門領諸將及一萬四千兵由間路馳進北京與賊對陣於皇城齊華門賊直到沙窩門袁軍門祖總兵等自午至酉鏖戰十數合至於中箭幸而得捷賊退奔三十餘里賊之不得攻陷京城者蓋因兩將力戰之功也賊少退宣召入對邊有袁軍門革職聽勘之命標下諸軍號哭於城外乞恩不許亦不給軍糧軍情憤怨遂皆潰歸又聞袁軍門被囚之由或云與守城諸將爭功誣陷所致以孫開部城上放砲城下廝殺之言觀之則此言似不虛也復以孫承宗督師遼東

奉天通志

卷二十六

大事二十六 明十六 思宗

二十

制將士坐視搶擄功罪難掩暫解任聽勘祖大壽及何可綱張弘謨等血戰勇敢可嘉前在平臺面諭已明令機有可乘軍有妙用今乃輕信訛言倉皇驚擾亟宜憬省自效或邀賊歸路或直搗巢穴但奮勇圖功事平論敘天寧關兵將乃朕竭天下財力培養訓成又卿舊日部曲可速遣官宣布朕意仍星馳抵關便宜安輯大學士成基命奏以袁崇煥手札招大壽又條上規畫上俱從之

又十二月甲子孫承宗至山海關

明史孫承宗傳諸將聞承宗至多自拔來歸者大壽妻左氏亦以大義責其夫大壽斂兵待命當潰兵出關關城被劫掠閉門罷市承宗至人心始定乃遣馬世龍督步騎兵萬五千入援令

遊擊祖可法等率騎兵四營西戡撫寧

朝鮮仁祖實錄八年三月乙酉陳副總接伴使李碩達馳啓曰漢人崔志高自登州來言督師袁崇煥坐縱賊入關之罪方被逮閣老孫承宗代領其衆云

又四月癸丑進賀兼謝恩使李屹在北京馳啓曰祖總兵何中軍張副總等還向錦州至於馬總兵世龍持孫閣部題奉聖旨憲牌召還亦無來意孫閣部承命出關屢諭以招之祖總兵三將始領馬步兵四萬一時到關

三年明神宗春正月以宋偉爲鎮守遼東總兵官

國權正月壬午宋偉以原官爲總兵官鎮守山海關同梁廷棟馬世龍征進

奉天通志 卷二十六 大事二十六 明十六 思宗 二十一

三月滿洲兵還瀋陽

開國方畧三三月壬午凱旋瀋陽自三年十月親統師征明下遵化抵燕京轉克永平灤州遷安閱一百三十餘日因命班師清實錄二月甲子上自天聰三年十月征明抵燕京轉克遵化永平灤州遷安諸地至是班師命貝勒阿巴泰濟爾哈朗薩哈廉偕文臣索尼寧完我喀木圖率正白鑲紅正藍三旗將士鎮守永平府文臣鮑承先白格率鑲黃鑲藍二旗將士鎮守遷安縣以灤州係邊地命固山額直圖爾格納穆泰爲帥偕文臣庫爾纏及高鴻中率正黃正紅鑲白三旗將士守之又命察哈喇爲帥偕文臣范文程率蒙古八旗將士鎮守遵化三月壬午上入瀋陽城

夏四月劉興治以皮島叛孫承宗諭平之

國權四月乙卯東江舟師集南海口抵覺華島適劉興治以皮島叛興治故將興祚弟也初興祚居開原衛陷於建重壻之名曰愛塔及遼陽陷謀歸正癸亥春守金復令幕客金某通登萊總兵沈有容渡海內應中軍王丙以告建人訊興祚兄弟及李永芳之子□□不承誅丙屠復州人十餘萬興祚等雖免而疑之甚興祚因購毛文龍空札若干填同陷人名氏夜投各營以試人向背迨曉來自理者無幾嘗犒魚皮生女直陰曰毛文龍密約在又日陵其妻相詬諍先隔居越數夕擇貌類己者醉之衣以己衣縱火劉氏兄弟哭曰愛塔自焚矣建人驗之信不知其走皮島也戊辰春袁崇煥以聞官副總兵己巳夏崇煥殺文

奉天通志 卷二十六 大事二十六 明十六 思宗 二十一

龍召興祚及弟興基亡何建人入犯崇煥興祚謁孫承宗於山海關西而寧前道兵備副使孫元化委兵八百人俾西援或疑之興祚不敢前承宗令鄭一亨新國臣張汝行王承胤石國柱同興祚合四千人專護永平建昌道臣不可遂令一亨守豐潤興祚同臺頭營將王維新太平路將睦自強建昌路將馬光遠永平道中軍程應琦襲建人於青山營官軍二千除夕大破之興祚先登諸夷習故急莫能辨斬五百九十二級畜產稱是還太平各歸鎮庚午元日興祚至兩灰口俄值建人數千騎馬不及甲步鬪殺傷過當突中流矢死弟興賢被執先興治留皮島掘西協事素武健忿兄死未卹又怨署島副總兵陳繼盛伴薦興祚諸將來唁殺繼盛及調兵官王遠督糧經歷劉應鶴等十

一人引衆迎兄興沛於長山島大殺掠孫承宗以聞命承宗調
戢兵部言劉興治與沛據皮島以叛拘商船兵舡此不南走登
萊西叩榆關則縱橫諸島間據爲扶餘是建人之外又生一敵
國矣今當令總兵張可大回登州嚴兵以待龍武三營駐防覺
華島檄副總兵周文郁劉應龍前往相機招輯如定亂卽佩大
將印且易登州道王廷試上並從之周文郁入皮島諭興治又
督餉戶部郎中宋獻駐旅順島諭各將安輯承宗又遣諸生吳
廷忠諭之興治等稍戢

通鑑明紀^{二十} 時登萊總兵官張可大方援永平帝令副將周
文郁撫定興治

六月以邱禾嘉爲右僉都御史巡撫遼東

奉天通志 卷二十六 大事二十六 明十六 思宗 二十三

國權六月癸酉邱禾嘉爲右僉都御史巡撫遼東孫元化爲右
僉都御史巡撫登萊東江兵部尙書梁廷棟以元化爲劉興治
所憚特用之

山中聞見錄^五 兵部尙書梁廷棟建縱橫二策破格薦用二巡
撫皆起家乙榜以邱禾嘉撫遼東使築大凌石屯漸過河東爲
縱局以孫元化撫登萊使過海取金復島遼陽爲橫局謂二撫
之軍合四汗可坐縛也帝雖壯其言亦甚難之

明史邱禾嘉傳寧遠自畢自肅遇害遂廢巡撫官以經略兼之
至是議復設廷棟力推禾嘉才超拜右僉都御史巡撫其地兼
轄山海關諸處

以黃龍爲皮島總兵官

通鑑明紀^{二十} 六月會復設登萊巡撫以孫元化爲之黃龍爲
皮島總兵官興治尋爲島衆所殺按毛文龍死後掌島事以是副
總兵陳繼盛代掌島事

明史黃龍傳登萊巡撫孫元化以劉興治亂東江請龍往鎮兵
部尙書梁廷棟亦薦龍爲總兵官與元化恢復四衛從之

滿洲兵圍錦州邱禾嘉禦卻之

通鑑明紀^{二十} 六月大清兵以二萬騎圍錦州禾嘉督何可綱
及遊擊楊振等赴救戰於郵馬山有功城獲全

明史邱禾嘉傳禾嘉初涖鎮大清兵以二萬騎圍錦州禾嘉督
諸將赴援城獲全

秋九月皮島劉興治襲滿洲兵於青山鳳凰堡

奉天通志 卷二十六 大事二十六 明十六 思宗 二十四

國權九月辛丑皮島劉興治襲建人於青山鳳凰堡有斬獲孫
承宗奏興治斬三十餘級雖未足贖罪而決意樹功誓仇建人
稍見其心上褒答之

冬十一月總兵祖大壽襲滿洲兵於駱駝山

國權十一月己卯前鋒總兵祖大壽率兵出塞至駱駝山襲建
州斬二百九十三級獲畜產二千四百有奇

四年^{滿洲} 春正月遼東督師孫承宗出關東巡

國權正月壬午督師大學士孫承宗出關由前屯寧遠抵松錦
庚寅由上道關歷石門燕河偏關三協十二路由石塘路過平
谷經盤山入薊州而還條上邊事曰先封疆大臣曰先八部大
帥曰分戰守曰薊鎮備守曰遼鎮備戰曰合薊遼戰守曰防插

漢曰復城上善之於是有大凌河之役議修築兵部尙書梁廷棟主之後廷棟去朝議撤工且責撫鎮回奏邱禾嘉懼盡撤防兵留班軍萬人運糧萬石以給之承宗曰邱未撤兵敵至而戰上策也據現糧以守中策也委空城疲敵下策也

明史孫承宗傳四年正月出關東巡抵松山錦州還入關復西巡徧閱三協十二路而返條上東西邊政八事帝咸採納

滿洲鑄紅衣大礮

清實錄正月壬午造紅衣大將軍礮成鑄曰天佑助威大將軍天聰五年孟春吉日造督造官總兵官額駙佟養性監造官遊擊丁啓明備禦祝世廕鑄匠王天相寶守位鐵匠劉計平先是我國未備火器造礮自此始

奉天通志

卷二十六

大事二十六 明十六 思宗

二十五

三月皮島劉興治復作亂參將沈世魁討平之

明史黃龍傳四年三月復作亂仗其弟興基殺參將沈世魁家

衆世魁率其黨夜襲殺興治亂乃定

清實錄三月興治與島中衆漢人謀欲盡殺滿洲逃人是夕滿

人各酣飲醉寢興治與其兄興亮等率島中餘衆攻滿人滿人

力戰殺興治及其兄興亮率所餘男婦三百八十五人乘船至

朝鮮國登岸於是島中漢人盡殺興亮等之妻孥

朝鮮仁祖實錄九年三月乙未檄島守將劉興治謀叛爲張燾

沈世魁等所殺興治欲投虜而恐島衆不從潛與降達結爲腹

心先殺將校之不與己者又欲盡除島中之不從者燾及世魁

等揣知其意相與密謀乘夜突入興治營仍縱火鼓譟殺降達

無遺類興治不知去處或云死於亂兵中矣

又六月庚午先是檄島劉興治之母在虜中虜欲誘降興治亦遣使約降仍欲借兵東搶我國及興治爲張燾等所殺降達逃入虜中曰興治被殺島中未定若於此時以一枝兵襲島則可全利也汗然之使一高山領甲騎一萬二千餘人由義州猝入宣定嘉鐵而差仲男滿月介等借艇於我先自旁搜海上得十一艇分屯身彌名島宣沙名島都致名串等處將欲攻島會都督黃龍來鎮檄島聞虜將襲之使張燾往身彌島戰少利復督大小兵艇百餘艘迎戰於蛇浦斬獲一高山及牛鹿二將胡兵死者甚衆漢兵下陸爭首級爲虜所掩亦多死亡者

奉天通志

卷二十六

大事二十六 明十六 思宗

二十六

夏六月邱禾嘉罷以孫穀爲右僉都御史巡撫遼東

國權六月癸卯朔吳執御言遼東巡撫邱禾嘉都督祖大壽相忤命責其自回奏

又六月丁未孫穀爲右僉都御史巡撫遼東

明史邱禾嘉傳會禾嘉訐祖大壽大壽亦發其贓私承宗不欲

以武將去文臣抑使弗奏密聞於朝請改禾嘉他職四年五月

命調南京太僕卿以孫穀代

秋七月築大凌河城

山中聞見錄五六月以熊明遇爲兵部尙書帝召對平臺問明遇築大凌復四衛可否明遇對曰大凌甌脫在廣寧西築一城更多一備兵少力分版築一興敵必撓我四衛遠隔海東巡撫不能孤駐救援齎送飛渡爲難敵兵突擊更無還路險著也不